

由庚堂集

出庚堂集卷之九

縉雲鄭汝璧邦章

甫著

七言律詩

送葉宗伯入賀 萬壽

二首

聖籙齊天啓瑞圖，春卿將事入皇都。  
橫經自握千秋鑑，端笏仍先萬國呼。  
益算無煩雲表露，進賢應賤日南珠。  
前星燦燦東朝近，更道

師臣禮數殊

公舊侍青宮  
時將舉大典

南國沾沾托御年。那堪揮袂秣陵烟。三山夜色分龍劍。八月星楂到木天。望極風塵心轉赤。譚深湖海意俱玄。懸知宣室從容日。應爲蒼生席屨前。

送葛道人遊太嶽

三疊琴心屬和稀。天風吹動六銖衣。高秋送爾遊蓮嶽。後夜何人叩竹扉。好去尋真窺秘笈。重來鍊藥入清微。臨岐不作多情別。一片

閒雲伴鶴飛

送大納言沈玉陽先生北上

二首

三朝勛望挹高蹤，更羨寅清在秩宗。  
神嶽久生公作甫，虞庭申命汝爲龍。  
清時鞞鐸門俱闕，午夜疏題手自封。  
只尺合宮明主問，老臣占對日從容。

容臺日日坐春風，却喜龍門托御同。  
盡脫形骸呼小友，獨畱雅量識山公。  
披襟共印三秋

月揮袂遙驚萬里鴻，獻納餘閒思舊侶。可能  
雲樹問江東。

送董于廷文學歸毘陵

二首

携兒欲問子雲奇，爾雅如君自可師。匣裏泉  
聲淒古調，賦中江色動文漪。高飛鴻鵠行千  
里，具美東南此一時。却詫庭柯添氣色，幾迴  
新雨發春枝。

入室芳馨宛似蘭，清齋長日罄交驩。帷中大

業窺三策門下諸生媿二難絳帳譚深花月  
轉青萍光動斗牛寒送君心逐毘陵道翹首  
春雲倚馬看

東黃兩高年丈

越水吳山夢幾迴依然携手鳳凰臺向來肝  
膽千秋盡別後風塵兩鬢催瓜步帆隨今雨  
至秦淮花遲故人開太常齋罷渾多暇蠟屐  
新詩好共裁

自畱都入 賀冊立小憇滁陽是日長  
至

環滁面面枕青山。至日停驂學掩關。宮縷漸  
添清漏永。容身聊借片時閒。東朝禮樂瞻新  
典。古道風塵憶舊顏。明發馬蹄催曉色。鍾山  
雲樹隔江灣。

過鳳陽望 祖陵作

陵谷明靈幾護持。高懸帝寢奠周基。天迴兩

戒山河拱地擁中原日月垂盼蠻歲供千玉  
案春風長發萬年枝獨憐湯沐徵求急父老  
歌豐異昔時

登嶧山

紫氣高屯接岱宗遙分仙掌削芙蓉明星亂  
向銀潢墮秘檢疑從玉笥封十二河山蟠大  
陸曉昏晴雨變中峰孤桐欲問長生種鷄犬  
雲間起暮鍾



壬寅元旦入賀作時有詔治河

廿年翹首憶楓宸  
謁帝欣逢歲序新  
大內委裘班五瑞  
東朝升旭煥重輪  
珍奇遠藉貂車入  
璧馬分投瓠子頻  
袖裏治安慙未上  
席前宣室許誰陳

春日選部諸公邀飲孫中貴園時雪初霽

名園琪樹對嶙峋  
尊俎笙簧次第陳  
粉署風

流水作鑑，瓊樓雪映，玉爲人吹噓。肯借囊中  
草澹蕩，新迎闕下春。但使高臺收駿骨，不須  
重問漢家薪。

又二月下邳作

芳草王程緩，未催羈心。何事轉徘徊，寒侵百  
丈愁。朝雨濤激三汜，闌夜雷作客。已驚春過  
半。看花還喜，閨重來白門官柳，徐徐放好待  
歸人倒舊醅。

送傅商盤司成考績北上

經術河汾早擅名，春風幾度鳳凰城。  
儒宗南北尊中嶽，賦草東西重兩京。  
懸絳已看書上考，守玄端自識平生。  
只今夢叶商霖卜，阿閣新開待宰衡。

何无咎再過白下因同探燕磯諸勝

雙屐同探二雁幽，懷人千里夢滄洲。  
君來自領雲霞色，歲暮能寬薜荔愁。  
僊署月明寒對

語丹厓秋老快同遊從他縣簿紛相貴爭似  
何郎愛拍浮

上谷秋懷

四首

十載聞亭學草玄徵書一日起行邊驅車古  
道羊腸折說劒秋風虎帳懸銅柱勛名歸破  
虜金城方略是屯田重門點點氊裘色盡道  
呼韓款塞年

大漠高空肅羽翰霞城秋色擁馮闌鉦笳故

促嚴更曙、裘帽先知絕塞寒。啓事謬曾題漢  
署、壽邊重許護樓蘭。西河使者休驚問、報國  
從來有寸丹。

高館踈燈夜未央。燕山越水意何長。九關層  
鑰通長樂、萬里寒雲起太行。霄漢有懷依紫  
極、江湖何處問滄浪。殊方極目偏秋色、南北  
鴻書正渺茫。

金風颯颯墮關榆。朔氣全侵肘後符。浪跡廿

年同塞馬鄉心八月憶江鱸玄都載雀仙舟  
渺思谷停雲客夢孤爲訊山中諸社伴看花  
曾記遠人無

冬日偕吳直指視塞雲州少憇靈真觀  
賦

塞北霜威淨遠氛前旌選勝入重雲真人紫  
氣關門識內史玄言柱下聞石室藏春窺窈  
窕瑤壇飛雪散繽紛馮虛東向長安日蓬闕

遙瞻五色文

咏赤城湯泉

望望霞城生紫煙  
千峰迴合湧溫泉  
初疑玉液空中吐  
忽訝丹砂井底傳  
浴日煖將回上谷  
洗兵春已徧  
祈連振衣愛聽銅鞮曲  
把酒臨風一灑然

遊滴水崖朝陽觀

尊俎邊關有勝緣  
石門蘿磴倚雲穿  
半空晴

滴諸天雨大漠寒收萬壑烟丹壁凌霄排紫  
劍絲毫飛霧濕青蓮將歸轉戀華陽色鼓角  
城頭夕照懸

獨石臺新成同吳直指撫夷紀事

新築層臺俯大荒遙臨繡斧有輝光傳呼徧  
賜名王酒號令清懸御史霜甲士九關屯虎  
豹風雲萬里護金湯應知廟筭同羈馭謾道  
和戎似漢唐



白登道中逢春感述

十年已乞據梧身那復邊關擁畫輪  
歲晚霜旌仍道路天涯蓬鬢易風塵  
隴梅虛憶雲中使羌管驚傳塞外春  
苒苒王孫芳草色五湖何日是歸人

朝陽觀對雪

絕塞衝寒賈壯遊朝陽名勝望中收  
仙人壇俯三千界帝子宮懸十二樓  
忽擁瑤華隨絳

節俄看玉樹滿丹丘高歌郢曲堪誰和咫尺  
天門紫氣浮

夏入雲中韓憲使惺菴招飲柳河得流  
字

誰道風塵不壯遊韓門咫尺是滄洲雲峰倒  
擁樓船出柳浪遙翻瀚海流客遇高陽偏縱  
酒尊開河朔橫生秋鳴橈忽動燕然色還飲  
黃龍天際頭

雪中送郭中丞歸東魯

令公聲望出東曹、開府全宣節制勞、下拜幾  
收回紇馬、中原移借呂虔刀、牙旌曉暎星河  
發、驛路風含玉樹高、二十四勛纔一考、可容  
高枕負中朝、

將赴大梁留別上谷諸僚長

關塞論兵幾月明、河梁攜手不勝情、經年馬  
竹叅方岳、三月鶯花別友生、匣劍曉寒分斗

氣驪歌風急雜邊聲亦知燕領真公等不薄  
盧龍塞上名

過保安謁沈青霞先生祠

片片飛霞擁畫梁千秋祠宇肅蒸嘗生前請  
劍排天闔死去騎箕入帝鄉白草含風淒九  
塞芳蘭薰佩接三湘獨憐鐵馬桑乾道悵望  
南雲萬里翔

樊季思謁銓訪余大梁賦此爲贈余與

季思築塢紫芝將煉藥老焉今各出山  
故末句及之

中原萬里政相思河朔深杯慰別離一出舊  
山驚鬢改幾回芳草夢春遲梁園柳暗聞鶯  
處燕市花深踏馬時總爲食芝堪不老可教  
長負碧山期

壬辰九日從諸公遊鴈塔曲江二院晚  
歸簡涵臺憲長

河山百二擁神州，賓主東南愜勝遊。  
細把紫萸酬令節，放歌白苧散清秋。  
峻嶒古刹中天見，隱約前朝曲水流。  
一夜不須辭醕酤，淡烟新月總堪留。

客歲九日涵臺萬公携遊曲江業成一  
詩未寄今歲是日公書來自晉再用前  
韻却寄

去年此日入雍州，素節黃花憶舊遊。  
客裏琴

尊偏卜夜書來鴻鴈又逢秋一時列岳聲華  
重萬里懷人歲月流綵筆昔期霄漢上姓名  
應爲使君畱

公約聯詩鴈塔故及之

### 雄石峽

禹鑿何年擘鷲雲榆關百二鎖氤氳朝宗水  
向中原會窄粵天將北戒分刁斗風清屯列  
戍罷熊秋健獵千群穹廬指點燕然色擊劍  
酣歌挾斗文

余奉東撫之命發自榆林父老殷勤

戀別媿而賦此

載銜新命發西陲父老追攀戀別離緩帶虛  
過開府日爲霖喜值洗兵時也知宦薄鳩同  
拙翻媿情深馬去遲回首并州天萬里朔雲  
邊月重相思

甲辰春日赴秦計部高臺之宴賦此

崇臺高宴倚雲開百二河山睥睨來淑氣乍



回營畔柳春光先入掌中杯  
葡萄滿甕隨天馬  
簫鼓終宵殷地雷  
十載重臨聽九部無妨  
車旆夜深迴

余備兵榆林  
今可十年

榆林虜旣款塞歲復有季  
李大將軍置酒春宵盛張  
鐙樂卽事有作

北門遲日淨胡沙  
西第開尊荅歲華  
雪霽高城占得麥  
春回午夜爛生花  
星橋火樹霞千障  
歌管樓臺月萬家  
更是投醪能饗士  
黃龍

轟飲路非賒

鐵城先生書訊邊事兼惠新詩奉荅

二首

經年南北嘆離踪、錦字遙天下塞鴻、商皓九  
芝看秀色、漢庭萬石想高風、雲連函谷關常  
紫、花滿仙都春欲紅、歸計刀頭應便得、扁舟  
同醉五湖東、

丈人尺素問籌邊、爲報單于解辮年、寧是犁  
庭空老上、祇應烽火息祁連、壯心笑乏封侯

骨歸夢驚催種秫田、獨有感時憐漆室、杞人

無力可回天、

有感時  
事故云

元夕書懷

高館踈燈坐沈寥、那堪笳鼓競春宵、參差兒  
女經年別、迢遞松楸萬里遙、紫塞寒威催雪  
鬢、玄都清夢隔霞標、停杯徒倚西堂月、一曲  
關山黯自調、

樊季崇內弟五表寄贈

翩翩公子政芳辰、秩秩初筵、祝大椿、紫擷飛觴、珠薦履、白眉流彩、玉爲人家聲、自昔傳驄馬、自勇馬名御史庭瑞干、今兆鳳麟、遙挹華堂占聚宿、兩家群從、託荀陳。

上春公讌卽席口占簡諸觀察

芳辰旨酒樂嘉賓、干羽笙簧次第陳、玉燭光調人不夜、金城烽靜地無塵、尊前談笑千衝折、塞外傳呼萬部馴、先雨更將桑土徹、一杯

持散十方春

甲辰生日時在榆林 二首

頗將蓬跡寄殊方、初度逢春又舉觴、三仕三  
恩深歲月、百季身鬢半星霜、東來紫氣函關  
近、北望黃雲隴塞長、荏苒金城慙鎖鑰、幕南  
新報款名王、

知非十載尚無聞、時年五十九弧矢平生媿策勳、

笳鼓椒尊迎塞日、關河鄉樹擁春雲、身因遲

暮仍加飯、心契薰脩、欲斷葷、大藥仙都容易  
覓採芝行、與鹿麋羣、

重遊雄石峽

曾題高碣、憶并州、十載行邊、復此遊、夾岸雲  
旂開、細柳當關、天塹鎖清流、解鞍士共投膠  
醉、緩帶名虛、儼峴畱、唱罷銅鞮、歸路白、踈鍾  
新月正南樓、

李大將軍邀飲延清堂賦此

西園開逕象滄洲、緩帶委蛇散曉籌、日永華  
堂延爽色、天空大樹蘸清流、琴尊夜上龍沙  
月、鈴閣風恬鴈塞秋、一曲銅鞮花下度、何如  
山簡習池遊、

寄李雲中年丈

二首

南北棲遲歲月深、空中尺素幾浮沉、楚天郢  
雪懷人思羌笛、胡笳出塞心、高枕可能無起  
色、援琴應自未成音、關西舊是掄材地、桃李

春回樹樹陰

雲霄猶憶綴鵷行、楚畹誰如大國香、漢署積  
薪淹日月、秣林賦草挾風霜、敢論乞序從玄  
晏、聊借藏書附子長、知爾投珠應不惜、題成  
明月寄瀟湘

寄項東鰲奉常

十年獻納司青瑣、此日寅清近紫微、屢見輪  
臺傳睿語、未聞原廟戒宵衣、月生齋閣秋河



轉日上宮門、晝漏稀、憂國懷人空白首、一函  
聊倩塞鴻飛、

桃源贈郭尹

桃花春漲失桃源、昏墊誰爲叩帝關、落日孤  
城三版沒、黃沙白屋幾家存、寒烟遠帶淮山  
暝、疎樹平吞楚水渾、聞道細侯勞撫字、稍聞  
農唱出荒村、

春日同顧涇陽吏部游仙都

原缺

由庚堂集卷之十

縉雲鄭汝璧邦章甫著

五言排律

登江心寺雙塔

山海天垂盡乾坤氣乍浮長虹懸作柱雙蜃  
結爲樓樹杪分帆影珠胎界月流地應標震  
旦雄欲壓南洲帝鐸冷風和神鰲竝足遊諸  
天窮縹緲萬象出冥搜身到齊飛鳥吟成起

蟄虬迷津聊自度覺路竟誰投懸火千門夕  
鳴鐘孤嶼幽馮虛一長嘯吾已狎江鷗

仙榜岩懸崖鑿磴置屋半壁顏其軒曰  
超妙示蓮上人葛鍊師

鑿翠開飛磴中天鳥路通懸厓橫石广半壁  
架琳宮潭映涵天鏡泉飛飲澗虹人烟青靄  
外鐘梵翠微中瑤草凌霏雪林香度遠風著  
書疑句曲問道卽崆峒白法叅蓮社丹砂事

葛洪體虛含寂照超妙契玄同定力來馴斥  
冥心送去鴻桃繁綬嶺實桂發小山叢午夜  
流霞紫咸池浴日紅九陔隨汗漫相與叩鴻  
濛

春日同彭宜所游玉華洞排律二十韻

洞府鍾靈闕雙峯拔地雄六丁揮鬼斧七竅  
鑿洪蒙石髓流將遍雲根斲半空乳懸星錯  
落華簇玉玲瓏十地呈僊品諸天豎佛幢路

從霄漢接泉與鼎湖通  
硯礪名難盡神奇態  
詎回層樓噓恠蜃孤柱宿文虹  
日月燄摩外  
鍾鎗雪竇中  
瀑飛長訝雨谷冷不關風  
寥夔  
非人境雕鏤殫化工氣沉春黯澹漏盡景矇  
朧

洞口微受日  
名五更天

禮斗朝羣帝談棋坐八公

音鳴上下指顧失西東  
漱齒天漿冽燒丹太  
宇紅精神生恍惚羽麟振穹窿  
面壁人何在  
飡霞思不窮石田終變海華髮易成翁世幻

悲籠鳥踪浮感雪鴻  
祗應與彭叟脫屣老崆峒

營丘

太公故封

瑯琊環北海形勝古營丘  
土壤魚鹽沃雄圖  
蜃氣收河聲猶繞魯山色  
尚藩周龍臥寧遲  
暮鷹揚自壯猷玉璜符寶瑞  
金匱協玄謀禮  
樂漸東土山川控上游  
故封雲物晚高塚石  
林秋無復非羆獵西風渭水流

贈龍伯貞先生

有引

武陵龍伯貞計部受記普陀大士證  
第一諦今春秋七十矣壽者類從世  
法不佞姑舍是

妙湛誰先覺圓通羨右丞詞場工繡虎心地  
湛壺冰宦蹟標三異宗門印上乘海風驚度  
筏水月與傳燈夢醒拋朱紱思澄斷葛藤百  
般持供佛一素把如僧湘色虛無對慈航勇



猛登前身居士現流果宰官身盡識龍爲友  
都云壽作朋寧知超浩劫無用數岡陵

楚藩寮舅氏客山樊公七十

樊山叢桂靄梓里客星高江漢傾飛蓋風雲  
擁佩刀天潢推典禮梁苑羨抽毫清醴賢王  
設恩波左相叨辭榮旋粟里休沐臥蘭皋幽  
事探愚谷閨情咏楚騷渭陽思舅氏宅相媿  
兒曹欲效岡陵獻綏山有碧桃

贈李徹度道人

燠寒披一衲飲啄只隨緣宗似猶龍出呼從  
應馬全行惟歌踏踏眠任腹便便地肺生春  
早天心象帝先無生寧有淚還向一燈燃

讀太僕王公平蠻督木傳賦五言排律

二十韻

泰岱標名嶽齊都毓巨賢剛腸生似鐵古道  
直於絃九折驅車過單騎祝網旋夷蠻回紇

拜名姓令公傳鬼國消鋒鏑蠶叢解倒懸  
師賢十萬舞羽格三千已播神君頌仍操匠  
石權明堂供象構隆棟表祈年飛檄河山動  
程材祀梓連風霜終歲苦瘴癘一身捐蹇蹇  
王臣瘁恢恢 聖主憐加卿酬茂烈諭祭勒  
新阡異數雲霄上鴻名日月前人皆推邁種  
天亦祐貞堅烏巷家聲振槐堂世澤偏衣冠  
羔薦集奕葉鳳毛騫俎豆千秋薦哀榮萬福

駢生人誰不死夫子自歸全面貌瞻祠宇丰  
神照簡編通家應有述終媿筆如椽

華山

灑宮朝白帝華頂黨金天紫翠開仙掌青蔥  
擁嶽蓮馮高望不極倚杖思冷然崕嶮孤雲  
出關門片雨懸巖腰通箭括鳥背落風泉玉  
女明星石仙人赤玉編百城何井井列郡自  
田田載命慙無補重來贖有緣神疑游廣漠

骨已蛻冥筌兩腋長風起盱衡隘八埏

潼關

形勝開雄鎮居然百二關龍門澗洛水馬首  
見秦山恒霍藩三晉岷峨繞百蠻孤城青嶂  
裏遠戍白雲間雪盡胡沙淨時清候吏閒虎  
分仍再出烏倦未知還邊月搖鄉思林花破  
客顏玉門何日返莫遣二毛斑

題李使君虛谷圖

益部天爲府名都錦作城山經饒紀勝井絡  
舊儲精地引巴江合天垂玉壘平谷神符瑞  
應仙李紹家聲玉籥通玄牝金光茁紫莖藏  
書徵柱史入夢感長庚吹律調三籟颯風和  
五英陰陽歸吐納滲漉付生成石髓時堪采  
天根庶可名空冥鄰小有窅窅隔朱明恍惚  
鴻蒙躍依稀象罔迎佐卿來控鶴子晉下吹  
笙瞻彼虛生白于今夢亦清好將愚谷伴相

與訣長生

由庚堂集卷之十終

由庚堂集卷之十

由庚堂集卷之十一

縉雲鄭汝璧邦章甫著

七言排律

甲辰中秋同何无咎集清寧臺賦十二

韻

榆林鼓角報新晴  
鈴閣中宵坐月明  
四顧璇光浮兔苑  
平分秋色擁霓旌  
天垂蒲海連沙白  
風靜龍堆大漠清  
不淺南樓生遠興  
聊開



高宴狎齊盟驪珠座上探爭得  
裘帶尊前照自輕  
眺滿刀頭催越思歌迴羽曲失秦聲  
玉盤掛戶人皆醉金柝消烽夜不鳴  
朗潔渾疑同永日驩呼不道是邊城  
星輶夙駕曾之部

余昔備

銀漢安瀾已洗兵未許織雲微點綴

兵蓋土

所希大樹劇崢嶸魄盈或恐光難駐  
桂實翻愁蠹易生欲向廣寒排帝闕  
瓊樓萬里不勝

情感時事

故云

登泰山十二韻

岱嶽中峰擘紫霄三門天闢望中遙碧霞高  
擁元君馭青帝初臨絳節朝日出鰲宮闕渤  
澥星垂斗極切招搖池涵玉女金膏隱雲霽  
蓮花灑氣消漢碣遺文沉巖巖秦松靈籟挾  
神飈杖前梁父如堪拾掌上徂徠若可招八  
表崇朝含片雨六龍亭午避高標秋光遠近  
分毫末寒色蕭森動沈寥經石苔荒畱鳥跡

水簾洞窟濺冰綃時殮沆瀣神逾王逖覽乾  
坤意自超不用東封誇禪草 聖朝有道紹

唐堯

巡閱東海十六韻

萊子城頭海色懸風生大鹵擁樓船地分賜  
履扶桑接郡扼提封碣石連沃野魚鹽齊十  
二重關虎豹旅三千太形遠勢西通晉斗極  
高躔北控燕楊僕師徒初下瀨翁孫經略舊

營田荐饑未抹流亡日示稜仍當厄閏年菜  
色漸迴官廩粟 詔書未罷水衡錢卽防斬  
木苻萑裏聊事觀兵牖戶先平壤金鉦喧沮  
水遼陽烽火達甘泉憂時賸有丹心在募士  
還憑赤羽傳鰲背帆檣飛鷁彩鯨波星斗燭  
龍淵鏜鏜疊鼓翻朱鷺獵獵牙旌拂紫烟上  
將馮牙軍令肅東秦簡命 主恩偏時危謬  
寄旬宣重才薄慙當節制專莫道從容惟緩

帶只今卻穀在中堅

蓬萊閣夜觀海上出日

飛閣冥冥海嶠孤，忽看殘夜起陽烏。  
晨光積氣時開闔，絳節金支乍有無。  
沆瀣初消暘谷，晶重輪徐動喬雲。  
扶流形盡攝寒空，鏡觀化疑探赤水珠。  
蜃市微茫雙闕窅，貝宮隱見萬靈趨。  
便堪鍊藥尋三鳥，曾記搴芝按五圖。  
人世風塵成底事，好因清淺問麻姑。

孟嘗君墓

隴樹蕭蕭馬鬣平夕陽懷古重含情荒丘仍  
指齊公子故里猶存薛氏城七國霸圖遺恨  
在千秋風義壯心驚論交豈少賢豪士幸舍  
空餘狗盜名談笑秦庭離席穴等閒函谷走  
雞聲春耕玉匣何年出野火穹碑綠字生俠  
氣已看傅太史流風猶足激田橫遠村牧笛  
牛羊下不待雍門淚滿纓

徐大夫素履詩二十韻爲長公玄仗吏

部賦

檇李聲華奕葉光名家素業襲綈緇園開飛  
蓋聯棠萼里接鳴珂遙雁行綺思清裁推小  
陸詞林韶令屬元方夢迴艸合池塘晶春入  
芹涵璧水香鵬鷲同風秋奮迅驪驪並轡早  
騰驤剖符已叶三刀卜叱馭寧辭九折長節  
外清霜駟瘴癘車前甘澍霈春陽勛銘新息

曾題柱化洽文翁舊講堂將作傳宣求國幹  
遠臣有事庀霞乘峽濤引纜輸巴蜀天府掄  
材得豫章報政貶封沾錫典專城載令領炎  
荒雕題黑齒罩王化翠羽明珠貢海疆身外  
浮名如過客滕前令子早爲郎天曹水鑑懸  
秋月子舍雲霞近帝鄉鏡裏煙波行彩鷁盤  
中雪膾薦河魴珮纒玉璐裁蒼水袍纈宮羅  
剪赤霜秦駐露繁三秀草胥江酒暖九霞觴



由庚堂集卷之十一  
五  
羨門名姓丹臺注謝氏庭階玉樹芳聞道熙  
朝頒几杖春風燕喜未渠央

由庚堂集卷之十一終

由庚堂集卷之十二

緡雲鄭汝璧邦章甫著

五言絕句

咏叱石子

黃初平牧羊金華山其兄初起往尋之問羊安在平叱石

盡成

羊

悠悠多路岐  
藩觸欲何之  
不知金華僊  
乃是牧羊兒

爾來石爲羊  
爾去羊爲石  
笑彼道傍人  
苦問

山中跡

豐林四咏爲李冶沙賦

磯水漁舟

一棹橫滄浪澄潭影青笠桃花處處迷問津  
何處入

橋嶺春聲

野碓流雲急春聲亂水聲黃梁炊已熟午夢  
不須驚

羅渚閒鷗

白石水清淺羣鷗澹不飛  
主人閒復爾與爾  
一忘機

古刹聞鐘

樵徑通禪院松雲黯不分  
踈鐘風外度偏向  
定中聞

秋日

秋日明林端據梧當隱几  
不知天風來飄香

落松子

題畫 二首

倚棹看雲起浮樽傍水居  
秋風閒把釣不爲食無魚

五十行負薪負薪常帶經  
不愁薪不鬻只愁經不明

長瀾 四首

佳氣藹晨熹青蔥盪霞彩  
考槃在中阿山靈

如有待

萬古青山宅西通古洞天  
卿雲瞻帝時玄鶴  
返芝田

以茲有盡身託彼無盡藏  
寶刹現毛端青蓮  
開步障

溪上千桃花結屋花深處  
清時不避秦時許  
漁郎至

馬跡潭

軒帝御龍車從臣畱馬跡仙駕不可攀潭雲  
仍五色

回回岩

大者如貢琛小者若獻貝應知帝樂張爲作  
寒胡戲

題趙澌陽太史靈洞山房十景

古洞棲霞

焚魚此幽棲古洞鴻蒙闢副墨護風雷霞光

長五色

天池漾月

下上含天光  
空中漾明月  
摩挲石壁秋  
誤作峨眉雪

中巘干霄

積翠橫中天  
雲端聳丹嶠  
上有凌虛臺  
振衣一長嘯

三山環碧



神山隔弱流茅山局句曲儂自有三峰朝朝  
媚幽獨

片石飛雲

東山一片石油雲日飛盪膚寸自成霖爲問  
山中相

寒泉漱玉

玉洞灑天漿涓涓漱璫液一軟沉疴蠲人間  
待蘇息

梵刹鐘聲

鹿苑收夕曛香臺暎微月  
疎鍾出東林依依澹將歇

山亭樵語

丁丁宵靄間亭閒暮雲合  
樵語出中林空山自相答

雲逕晴松

雲逕宵無極萬鬣迴長松  
華陽自成趣安用

羸秦封

石橋烟柳

石橋春水新烟雨萬條綠  
主人臥柴桑五株  
看已足

夜度雞鳴驛

二首

萬疊河山開兩曜東西走  
夜夜鳴關雞喚醒  
征人否

邊關易虜塵漢築陋  
和親借問棄繻者起舞

是何人

余撫榆林其寓止有內院緩帶軒芝蘭  
室鳴玉齋雪竇嘉樹坪斗壇清寧臺  
會心亭流花逕雙樹橋曲水諸蹟暇  
與何徵君白邵孝廉喻義各賦絕句

二云爾

鈴閣散天風鳥啼深院靜未作兜率看冲虛  
在人境  
右內院

自公此委蛇開襟聊以適不知關月來直照  
金樽色

右緩帶軒

九畹貽芳訊三秀結同心下帷嗒相對忘言  
契已深

右芝蘭室

方沼不盈咫終日聽潺湲疑是鳳池裏委珮  
聲珊珊

右鳴玉齋

雪山來萬里穿雲激素湍冰壺試一軟虛堂  
六月寒

右雪竇

細柳日扶疎全生寄樛社帳下論功時婆娑  
坐其下

右嘉樹坪

瑤壇倚天樞星辰上森列吾欲捫九閭擊劍  
酣歌發

右斗壇

河山垂兩戒日月麗中天臨高具尊俎長嘯  
指燕然

右清寧臺

魚鳥自成趣睠茲風日恬羽書亦多暇吏隱  
吾能兼

右會心亭

飛花盪碧流繁英媚丹壑閒日學於陵開畦  
灌葵藿

右流花逕

古木夾虹梁萬羽欣託止月明戀南枝三匝  
栖復起

右雙樹橋

龍首洄白波曲曲泉聲軟悠然一咏觴山陰  
落吾眼

右曲水

題四景

昨夜春風來春光宵何處倚杖探寒梅南枝

暗香度

芳樾結層陰  
林居絕塵想  
散髮讀南華  
人在羲皇上

寒鴈下汀洲  
蘆花白於雪  
天風捲鈎絲  
醉臥空江月

瓊花落茅簷  
眉宇皓以潔  
爐頭火初紅  
高歌煮玉屑

屏霞障口占贈何无咎



白石爛  
列嶂橫高天雲霞組其半下有山  
中人行歌

龍鼻水

蟄龍未出山  
栩栩雲中息  
長風吹不醒  
石髓  
寒猶滴

雙鸞峰

睽彼雙彩鸞  
毳毳欲飛舉  
月下候仙驂  
天風  
吹笑語

初月洞

半規新月色萬古洞門秋雲至長垂幔風褰  
自上鈎

水簾

風簾拂地垂幽宮閒自織淵客買綃還鮫珠  
亂相射

與无咎約結殮霞閣於屏霞障之麓口  
占

白居生集卷之二  
爲問丹霞子殮霞可判年吾將結飛閣同住  
大羅天

剪刀峰

何物并州刀能斷吳江水儂自有雙峰日剪  
天孫綺

玉女峰

昔從西華見載向武夷逢綽約姑山態依然  
冰雪容

卓筆峰

千尺寫雲烟  
峻嶒倚碧天  
却笑管城穎  
諍詡董如椽

僧拜石

拜石與磨甄  
歷劫不成佛  
何物老古椎  
千年猶面壁

雙劍泉簡張明府

泉作雙龍吼  
干將與莫耶  
紫光時貫斗  
望氣

待張華

常雲峰

朝看白雲生暮看白雲宿  
安得住此峰常與雲相逐

照膽潭

試着白接羅來看宜不宜  
寧似秦皇鏡朝朝照画眉

錦溪

碧水流濺濺錦石紛相錯  
桃花蒸作霞晨光  
寒自濯

丘隅

林暖鳥聲亂日高花氣酣  
戴顓如有約斗酒  
佐雙柑

面壁軒

石榻流雲細蘿軒片月懸  
如如寧有動不是  
兀枯禪

由庚堂集卷之十二終

由庚堂集卷之十三

縉雲鄭汝璧邦章甫著

七言絕句

愚谷八咏

鳩峰入雲

天畔雙峰入檻平  
芙蓉片片倚雲青  
愚公不作移山計  
日日峰前醉客星

好溪漾月



華陽池館抱滄洲  
明月前溪漾碧流  
釣罷歸來山路白  
松風鳴水上南樓

愚公古洞

是谷名愚王亦愚  
翛然石屋臥徐于  
少年莫問駒生犢  
閉戶年來駒可無

雲谷心臺

萬壘蒼雲飛作堆  
千峰環擁碧崔嵬  
嗒然一發蘇門嘯  
雲淨中天片月來

窪尊鳥跡

唐緡雲令李陽水飲處  
石上舊鑄鳥篆故存

仙吏題詩滿翠微  
窪尊長此醉春暉  
只今石上雲霞氣  
猶挾當年鳥跡飛

曲水蘭觴

中有洞  
瀾石

曲曲山泉吹石波  
浮觴共客此高歌  
玉山頽倚洄瀾砥  
可道風流似永和

仙巖鍾梵

吏隱山前佛日閒  
綠蘿深映白雲關  
老僧講

罷榜嚴臥風載鐘聲過碧山

山郭晴烟

山郭春深碧樹連東臯一望盡蒼然懸知明日催花雨都是摩雲萬井烟

春溪大水歌

四首

烟柳霏霏綠四隣桃華開遍武陵春夜來水長仙源淼若箇漁郎來問津

二月雪消春雨多一天風浪亂浮艤溪流不

似黃河急猶自勸公無渡河

萬壑奔雷勢欲吞  
磯頭頃刻漲新痕  
獨憐鷗鳥渾無賴  
破浪窺人直到門

照水千花生紫烟  
撲花春浪欲浮天  
臨窻已與明河接  
不待乘槎到日邊

清明日偕兩家弟登鵝鳩峰

二首

中峰天半湧浮圖  
極目曾城四望孤  
繚繞雲霞千鷺嶺  
對懸大小兩僊都

武夷六六躡丹梯回首蒼雲越望迷爭似雙  
峰家咫尺玉壺春酒日堪携

先慈見夢泣血有述

恍惚慈容月下歸徘徊猶倚舊荆扉此生已  
分同蝴蝶那不長隨夢裏飛

臨汀志懷

四首

憶昔賢哉二大夫

念憲二  
康公

扶藜載酒日相呼

而今黯淡山陽淚灑向西風對鳳雛

二子俱  
訪予山

房時二公  
已厭世

青樽谷口坐綢繆千里逢君憶舊遊朝斗月

明人臥閣泉聲一道入雲流

朝斗巖太虛閣  
石泉故佳

論文一日借公餘桃李春陰滿客裾珍重故

人勤問訊遙傳錦字越江魚

往試諸生移書  
諗予

公府遙開碧水灣層雲縹緲九龍間

九龍山  
下公署

在當年緩帶成何事那得逢人說峴山

送李及泉年丈掌憲楚中

四首

執法雙瞻內外臺、寒帷遙望楚天開、到時故

老驩相問、曾是沾沾御李來、

君舊以御史按楚

千里神交徑寸心、半生蹤跡任浮沉、洞庭一  
望春波淼、何處玄珠好共尋、

故人五馬過蓬蒿、綠酒青燈坐次寥、明發郢  
都飛白雪、知音千載許誰操、

乾坤真誼自吾徒、把酒談天興不孤、別後相  
思明月夜、閒心一片湛冰壺、

喜酒

歸來三徑足，生涯門巷蕭蕭。  
五柳斜聞道，故人將酒至，開籬急爲報黃花。

秋曉登山稚子呼餐不下口，占示之

秋風吹步入檀欒，兩屐青山雨後看。  
莫訝而翁將辟穀，千峰秀色盡堪餐。

中秋書懷

二首

子夜秋光冷素幃，北堂寸草寸心違。  
明河望



斷支機石入夢驚烏匝樹飛

萬里無雲出絳河月華璇影九霄多空山  
臥生秋色清夢寥寥白玉珂

春日過集仙塢

小結茅楹曲水濱八公山色對嶙峋乾坤此  
地堪投老何必天台好避秦

寄懷楊木父

二首

初暘春水碧潺湲曾向仙都乞大還今夜月

明江上路思君遙在郭公山

古洞秋風憶共遊芙蓉縹緲撲丹丘別來幾  
問緱山鶴遲爾吹笙碧海頭

由懸組上丹室兒輩從登卽事 二首

赤城天畔隱僊宮冉冉雲車上碧空不是生  
來身似鶴那堪緱嶺度秋風

歷盡虹橋日半吞幔亭高宴倒芳樽但教姓  
字畱僊榜一任人間長子孫

憶客歲冬歸黃菊尚花爲先大夫進一

卮而今已矣感賦 二首

去年此日遠還家、起舞高堂舞袖斜、一夜驚  
飈催落木、只今憔悴對黃花、

布帽逢秋轉自悲、草堂風雨黯垂垂、傷心最  
是東籬色、不向南山照酒卮、

籬菊有花期、鐵城先生不至

黃花冉冉吐東籬、正是柴桑取醉時、僊客不

來同漉酒却教風雨妬佳期。

雪中上隴

四首

迴合欽山紫氣朝盈盈飛雪故封條那堪一  
掬松楸淚滴向冰枝黯不消

密霰凝輝夜色新空庭積素委流塵濁醪欲  
薦重泉隔愁聽啼鳥倍愴神

霽壑流光隴樹分返覓香燼冷孤墳愁來欲  
按將雛曲翔鳳峰前有斷雲

風急江皋斷雁行空山雨雪憶連床夜寒愁  
剪西堂燭春草萋萋夢裏長

送羽人入天台

二首

二雁峰陰接太清芒屨三月踏花行縱騎白  
鹿如韓衆未許人前道姓名  
春風早晚入天台萬樹桃花夾路開花下僊  
姝應共笑笑君容易去還來

豹獅巖

十里清溪萬樹花  
雲中雞犬似僊家  
漁舟偶逐胡麻入  
碧玉峰前弄紫霞

看菊示明上人

二首

綽約秋花照眼明  
閒身長日繞花行  
恠來籬畔偏佳色  
自是柴桑有勝情

黃花鬱鬱證禪心  
此日欣逢支道林  
欲問色香空後趣  
碧天無際海雲深

雪中雙鶴示月上人

二首

對舞瑤階刷羽衣故來姑射伴清輝  
支公解識凌霄意翮就從教萬里飛

烟臯雪霽縞衣輕欲借王喬載玉笙  
好待僊風動寥廓赤霞起處是蓬瀛

舟行口號

萬里滄江急暮潮迴風飛送木蘭橈  
纔看白

鹿

城名

波心起又見青田鶴影飄

春日携內子弘兒之小仙都作

石橋紅雨漲春沙踏遍清溪到若耶彷彿秦  
人初避世相携妻子入桃花

遊黃龍寺是耿泗國破苗兵處

耿弇當年此列營巖頭親破綠林兵猶餘壁  
壘空山裏月殿虛無起梵聲

紀夢

躡屐千盤到碧雲曼陀空外散繽紛坐獅一  
吼潮音起赤手雙擎出字文



寄樊季崇內弟

彩筆逢春自陸離  
江雲片片寄相思  
殷勤爲問南來使  
幾醉儂家萬玉池

千佛嶺

翠壁雲垂寶座蓮  
巖花香覆佛螺烟  
乞畱一片西來面  
記取真形閱大千

白鹿泉

傳有僧入定  
鹿過泉出

定裏御花鹿女過  
雲根阿耨出盤渦  
不知吸

盡西江去可似楊枝灑處多

天開巖

五丁何事鑿鴻蒙  
贏得玲瓏七竅通  
一自丸泥封碧落  
長教烟雨鎖崆峒

般若臺

雙林曾演法王經  
赤字金函空勒銘  
四十九年無可說  
天花落盡許誰聽

過烏衣聶逸人宅

幾年小隱住烏衣，閱盡人家燕子飛。  
竈火漸抽丹欲熟，好將鷄犬入清微。

泊桃源

洪濤千里走長河，風雨扁舟二月過。  
泊向孤城春轉寂，桃花不似武陵多。

懷董于廷

絳帳高懸傍玉除，諸生講業近何如。  
宵來夢坐秦淮月，似聽西齋夜讀書。

清澗道中

平林漠漠帶滄洲  
灑灑清泉觸石流  
只少數鷗飛向客  
轉教人憶好溪頭

虎牢關

三戰雄關百代名  
秦川漢月照空營  
太平不記當年事  
只說西京向此行

宋陵

陵陷虜中被發掘不得祭我朝始祀

抔土難將玉匣藏  
七陵望祀隔錢唐  
驅除不

是逢

明主雪耻誰堪報百王

會盟臺

萬騎東來此會盟  
烏烏擊缶是秦聲  
雄風已逐浮雲散  
芳草荒原春自生

望少林

玉豸山前七佛峯名聯  
當時曾問祖師禪  
不知隻履今何處  
邂逅相看又十年

由庚堂集卷之十三終